

隨更遠遠香風翠霧同來誘 忽昂頭慕觀瑩景添秀見青衣
半空招手便喚余休更別追尋指白雲深處這裏神仙有

受恩深

性亂因醪誤精枯緣色妬眼神傷敗被財役住鼻濁如何只爲
氣使馨清去浮世人難悟帶四事相牽淪落苦處 達士怡然
殊不顧上淨真心於下元陽堅固左養取青龍右邊白虎咆哮
做都總來攢聚便成結金丹大羅歸去

折丹桂

氣財色酒相調引迷惑人爭忍因斯染患請郎中鬼使言你且
儘 不須把脈休頻診死病今番準這迴須去沒推辭復勾追
道藏輯要 重陽全真集 九 中胃集一
交帖緊 進來陰府心寒慄對判官詳審高呼鬼使急挈挈不
凌遲更待甚 鑊湯浴過鐵牀寢銅汁頻頻飲哀聲禱告且饒
些後番兒不敢恁

木欄花慢

論修行鍛鍊只元是這些兒也勿取翁婆姪女嬰子相隨休言
木龍金虎更何須黑赤坎和離奉報諸公入道莫令形苦神疲
堪宜正好搜尋時坦蕩准希夷放落魄清閑任雲任水真靜
真慈靈然養成內寶聚玄機密妙不難知開闡當中一點瑩然
明照無爲

河傳令

知縣董傳夫小

德夫知縣坐上將余便索河傳令堂下落花你咱分明親見稍
知空這攀緣都不戀爭如修取來生善早悟光陰急急同飛箭
足愛前親好心長行方便若回頭隨我訪神仙面

虞美人

先生嘗云余嘗從甘河攜酒一瓢欲歸庵道逢一
先生問云害風肯與我酒喫否余與之先生一飲
而盡卻令余以瓢取河水余取得水授與先生先生復授
余令余飲余飲之乃仙酎也

害風飲水知多少因此通玄妙白麻衲襖布青巾好模好樣真
箇好精神不須鏡子前來照事事心頭了夢中識破夢中身
便是逍遙達彼岸頭人

又 戰公素修行

安爐燒出清涼景捉住風颺影輕中盈滿得逍遙自然心月空

道藏輯要

重陽全真集

十

中胃集一

外顯彰昭 當初元約惺尤省天詔應邀請仙音一派瑩聲招
此時還許返本上丹霄

恣逍遙

若要修行須搜子細把金關玉門牢閉上下冲和位交既濟得
來後惺惺又同猜謎玄入虛空卻投根蒂毫光燦爛銀霞際玉
色新鮮真靈瑩膩分明徹淨清間然細細

擺脫濁醪憑傳清水這滋味香甜真美過得重樓全無滓穢五
門開澆淋就中武銳七寶滋榮三田漑濟十分用刀圭和祕結
作真晶明明殊麗山峯上風月共邀出世

臨江仙